



ᑭᓄᑦᑕᑦ Qulliit

ᓄᓇᓂᓄᑦ ᓄᓇᓂᓄᑦ ᓄᓄᓄᓄᑦ
Nunavunmi Arnanut Katimayit
Nunavut Status of Women Council
Conseil Qulliit de la condition féminine du Nunavut

UKIUQ TAMAAT UNNIUDJUTIT 2022 - 2023



Titiraqhimajut Iluani Ittut

Maliktakharnik	2
Pinahuarutait Katimajiit	3
Hivuliujughat	4
Katimajiit ilaujut	5
Katimajit havaktia	5
Tuhaqtidjutit Angijuqaamin	6
Katimajiit Hulidjutait	7
Havaqatigiiklutik ukualu aalat hulidjutit	13
Niriungniq hivumut	14
Maniliqinikkut Titiqqat	16



Havarijait tapkuat Qulliit Nunavunmi Arnait Katimajit

Qulliit Nunavunmi Arnait Katimajit (QNSWC) havaktauhimajut atuqhugit tapkuat Qanurinni Arnait Katimajit Maligat Nunavunmun talvani Qitiqqautijuq 1, 1999. Tapkuat Katimajit havangit hivumuutilugit aadjikiiktumik ilaunirit arnat inugiangnirni aghuurutigilugulu aalanguqtirnir inugiangnirni, maligatigut maniliungnikullu havauhiit.

Qulliit uqaudjijut Katimajit arnat tapkua ikajuqtut aalanguqtirnirmun ajuqhautinun hulaqutijut arnanun, iliharnirmun, aanniaqtailinirmun, maligaliqinirmun, maniliunirmun pivalladjutit, iglutigut, havaaghanun, hivuliqhungnirmun pitquhirmunlu.

Aghuuqhajavut arnar arnarutit ukualu qanuriniit-aalangajut Nunavunmiut hakugingnikkut hivuliqtiulutik, nagliguhuutikkut uqaudjijut, ikajuqatigiikhutik nunallaatiklu. Havaktavut qajangnaitumik uqautigijaangini ajuqhautit hulaqutigijait arnat Nunavunmi, atuqhugit tapkua nipiit ikajuutigiblugit ihuaqhariangini maliruagahat maligallu tapkua hulaqutigijavut.



Pinahuarutait Katimajiit

Pinahuarutait Katimajiit

- Tuhaqtilugu Minista Munaqhijuq hapkuningaMinista munaqhiyuq Arnait Qanurilinganinginnut hivuliujuqhanun ajuqhautillu ihumagijaghat;
- Ihivriuqlugit maliruagahat Maligahallu hulaqtait arnat uniudjutigilugillu paqitauhimajut ihuaqtughat kavamatkut havagviinun timiujulluuniin;
- Aghuuqhalugit angmaumajumik uqautigilugit ajuqhautit qanuriniitigut arnat Nunavunmi;
- Ikajuqlugu Minista aghuuqhailuni aalanguqtirnirmun pijaangini qanuriniit arnat;
- Havaklugit inungnun ilituqhaidjutit ajuqhautinun tapkua pidjutaujut arnanun;
- Aghuurutigilugit aalanguqtirnirit idjuhiinun nunallaani taimaali arnat quviahugiangini aadjikiiktumik pijaghanik; uvalu
- Ikajuqlugit katimajiit uvalu katimajut kitut tikinahuaqtait aghuuqhaidjutiqaqtut aadjikiingnirmun arnat.

Qullit Ukpirijait

Hapkua ukpirijait maligahat uvaptingnun havaaptingni:



IKAJUUTIQAQTUT



HAKUGINGNIOAQTUT



AADJIKIIKTUMIK



ANGIRUMINAQTUT



HAVAQATIGIIGUTIKKUT



PITTIARNIKKUT

Hivuliujughat

Ilituqhaidjutit uvalu pittailiniq qanuriniitigut-pihimajut uvalu inuuqatigiit

ningarniit: Uqautigilugu aghut ningarniqangitumik aviktuqhimajuq. Una ilaujuq havaqatigilugit piqatigiit havagiangini aalanguqtirnir idjuhiit ningarnirmun arnanik, aghuurutigilugit ikajuutit ihuinaaqviujunun.

Pihimalugu aadjikiingniq: Aghuurutigilugit inungnun iliturhaidjutit hunat aadjikiigutit naunaijautaa qanuqtullu pijaangini tamaita ilaujut inuuhiptingni ilaujut aadjikiingniq tamainun.

Aghuurutigilugit aadjikiiktumik pijaghjat, akiliuhiat, arnat aanniaqtailidjutait, pijaarnirit iliharnirmun maligaliqutillu.

Hakugikhijuumiqlugit nunalolaat inulramiillu: Pihimalugu uvalu ikajuqlugit hivuliqhuutit angkivalladjutit arnanun, arunarutinun ukualu qaniriniit-aalangajut inuit Nunavunmi.

Pitquhiq: Quviahuutigilugu aghuurutigilugulu aalangajuq aalakiiktullu pitquhiit tamaita Nunavunmiun arnat. Aghuurutigilugit pitquhikkut kangiqhipkaidjutit nutaanun haaniktitajut aviktuqhimajumi.

Havaklugit qajangnaitumik inighat angmaumajumiklu uqautigijaujut:

Aghuurutigilugit aalanguqtirutit amigaitukkut havauhighakkut, quviahuutigilugit hakugingniit, uqautigilugit ajuqhautit iniqtirutillu aghuurutigilugulu aalanguqtirniq.

Katimajiit ilaujut

ATIA	HAVAANGA	NUNALLAAQ
Amber Aglukark	Angirjuqaaq	Iqaluit
Clara Evalik	Tugliujuq Angijuqaamun	Iqaluktuuttiaq
Jukipa Kotierk	Tugliujuq Angijuqaamun	Iqaluit
Joan Kalaserk	Katimaji	Kangirliniq
Laureen Caskey	Katimaji	Arviat
Geela Maniapik	Katimaji	Pangnirtung
Ruth Kaviok	Katimaji	Arviat
Katie May Anawak-Dunford	Katimaji	Iqaluit
Mary Akpalialuk	Katimaji	Iqaluit

Katimajit havaktia

Cate Macleod

Atangujaq Aulapkaiji (Apitilirvia 2022-Tadjamun)

Angela Petru

Havaaghanun Titiqiqiji (Apitilivik 2022-Tadjamun)

Tuhaqtidjutit

Angijuqaamin

Arlingnaqtuq hivuliq ukiuq Angijuqaangutilunga hapkunga Qullit Nunavunmi Qanuriniit Arnat! Quviahuktunga nan'ngaruhkhunga tikuaqtaugama haffumunga havaaghamun Katimajiillu ilaujut.

Uvani ukiumi, turaangajugut havaffaaqlugit havagvia Qullit pihimalugillu titiqiqidjiviit havagviit ihuaqtut. Tun'ngahuktitaugut nuutaamik Aulapkaijimik, havakjuaqpakhimajurlu anginimik auladjutikharnik Katimajiit hivunikhait, hivuliujuhat hivuniptingnilu. Avatqumajumi malruk ukiuk nalunarniranun qalagjuarnirup COVID-19, ilaujut katimalihaaqtut atauhiinaungitumik, kihimi malruiqtuqhutik maniliqinimun ukiungani.

Talvanilu ukiumi humi angiklijuumiqhugu havauhivut pihimaliqhugillu amigaitut havaqatit kivgaqturiangini arnat, arnarutit ukualu qanuriniit-aalangajut inuit avatiini aviktuqhimagup. Ihaakhuta aalakiinun timiujnun, ilauqatigiiliqhuta pidjuptingnun. Qujagijaqqut inmi quviahuutainun havakhutik ikajuriangani tuhaapkaqlugit nipivut.

Ilimajumajugut ihuaqhaidjutikhat mamihaidjutikhallu Nunavunmi inuinnarnin-hivuliqhuqtaujugut, Inuinnarnun. Pitquhivut, ukpirijavut, ingilraanin, uqauhivut, qaujimagavullu hivunngani qitqanilu, havaktiluta mamiharnirmun taimaaqtilugulu. Amigaitpalaat najavut ajuqhaqtitaugut ningarnikkut. Ihagiahuktugut qanuriliurutikhaptingnik, ikajuqtiqariaqtugut, una taimaaqtilugu.



Tamapta havaaqaqtugut taimaaqtitpalianiranun ningarniq imaalu aadjikiingnikkut arnanun/ arnarutinun ukualu qanuriniit-aalangajut ihuit. Atuqlugit nipitit atuhimajatillu quviahuktitaangini, pihimalugillu qajangnairumin inuuhiringnikullu. Hakugitqijajugut atautimun, aghuuqhimaqluta, nipiquqtujumik niriungnikullu. Qullit Nunavut Arnanut Katimajiit quvianaqtut aghuuqtullu, hamaniitugut ikajuriaptingni ilingnun.

Matna,

Amber Aglukark
Angirjuqaaq



Katimajiit Hulidjutait

Upautiblutik katimajut

Avatqumajuni ukiuni, ukua QNSWCkut katimajut tamaini aviktuqhimajumi - Qamanittuami, Pangnirtungmi, Uqhuqtuumi, Kangiqlinirmi, Iqalungni, Iqaluktuutiami. Himmautiqataaqhugit ukiuni katimadjutit aalakiini nunallaani pipkaijut Katimajiit takujaangini kitut ihariahuktut inmi nunallaamingni-pihimajunik ihuaqhaidjutighanik.

2022-mi, Katimajiit katimaqatigivaktait upautiblutik hivulliqpaamik qalagjuarnikkut COVID-19 aanniarut nunaqjuami. Uvani Tattiarnaqhilirvia 31, unalu Hikutirvia 1, 2022, ilaujut katimajut Iqalungni niruaqhutik nutaamik atangujat katimajiit, tunijaujut ataniudjutikkut ilihaidjutinik uvalu ihuaqhaffaaqhugit turaarutait ukiumi. Katimajiit katimaqatigivakhimajait ilaujut talvanga Havagviani Inuliriyitkutni, ukualu Amautiit Nunavunmi Inuit Arnat Katimajiingit uqautigijaangini kitut uqautigijaujut hivuliujuqhat havaqatigiigutighallu.

Imaalu, Katimajiit katimajut uvani Qiqailruq 11mi 12milu, 2023 Ottawami aularutilugu aghuungnaqtuq havaaq piliuqlugu hanaqidjutikkut upalungaijautit qaiyjuni talimat ukiut. Una havaqatigiigutikkut havaktaujuq, humi ilaujut tunijaujut qajangnailrumi najugahamingnik piblutiklu tautuktuumijaarutinik ukualu pidjutinik turaangadjutighanik havaaghainun hapkua QNSWC hivitujumik-kikliqaqtumik.

Taimaali, hapkua upautiblutik katimadjutit aghuungnaqtut havauhighat Katimajiinun ilaunun, uqautigilugit, havaklutik atautimun atauhirmun atugahamun.





Kanadami Ublua Itqaumanirmun ukualu Hulidjutit Ningarnirmun Arnanik, Ubluiqvia. 6

Taitai uvani 2022, QNSWC havaqatigijait ukua Nunavunmi Maligaliqijitkut katimajiit, Kavamatkut Nunavunmi, Agvik YWCA Nunavut ukualu Pauktuutit Inuit Arnat Kanadami katimapkaijut pihuktitiblulik hulilukaarutinik lqalungni.

Hulilukaaqtuni avatqumajut 100 inuit atautimuktut itqaumanirmun hapkua 14 inuit Tuqutaujut hamani Massacre at École Polytechnique hamani Montrealmi uvani 1989, ukualu amigaitut ningaqtaujut qanuriniitigut-pihimajut ningaqtaujut (GBV) talvanga. Itqaumanirmun hulidjutit hamani Nunatta Sunakkutaangit Ingilraarnitaqarviani pidjutaujut Inuktitut, Qablunaatut Uivitullu, hulipkaijuq Joanna Awa unalu Martine Dupont. Itqaumanirmun hulidjutit ilaujut qungiaqtitijut ukua Inuksuk Qilautikkut Numiqut, piksasiukkut tuhaqtidjutaa Nan'ngarijaujuq Margaret Nakashuk, Ministaat ukua Quliit Nunavunmi Qanurininganiit Arnait Katimajiit, uqaqtuq una Qulliit Angijuqaanga Amber Aglukark unalu Pauktuutit Atangujaq Aulapkaiji Rosemary Cooper, ukualu uqaqtut quviagijaujut nunallaani ilaujut. Hakugingniqaqtuq hulidjut nikalirnirmun, niriungnirmun, mamihainirmun arnanun avatiini aviktuqhimajup.



Ilaliutihimajut uvani ukiumi, Qulliit niripkaijut uvani Inukshuk Angajughiit Iliharviani tunihiblulik kangiqhidjutinik mighaanun Ubluirvia 6. Ilihaqtut apirijaujut inmi ihumagiyamingnik qanuqtut taimaaqtirniranun GBV Nunavunmi, hunat qajangnairutigijait, uvalu ihumagijatik qanuq ikajuriamingni. Ilihaqtut havakhugit nivingajughat nunallaami pihukhutiklu unungman.



“Ilimajunga ublumi ajungnaqtuq ubluq tamaptingnun. Itqaumadjut tapkua arnat, ukualuat Nunaqaaqtut arnat, arnallu malrunnik idjuhiqaqtut, atuqhimajut ningarnirmik amigaitunik, quvianangituq.

Aalanguqtirnir ihariagijaujuq. Havaqatigiiktukhaujugut ihuaqtumik pidjutighamik, ikajuutiniklu qilamik nutqaqtinahuaqlugu ningarniq arnanik. Katimajiini, ihumaliuqtugut uqautigilugit kivgaqtungnikkut arnat Nunavunmi paqinahuaqluta ihuaqhaidjutighanik ikajuutighainiklu qajangnairiangini.

Qiniqhunga avatiini uuma igluap, tautuktunga ilagiaktugut havaqatiniklu havaaptingni. Tautukhugillu quviahuutit aghuurutillu ihuaqhijuuminirmun inuuhiiit arnat, arnarutit ukualu arnaunirmun-naunaijautiqaqtut inuit aviktuqhimajumi.

Amigaitunik pijaghaqaqtuq hivuniptingni, kihimi niriugutiqaqtunga. Unuigu, nan’ngariniaqtavut arnat tamaqhimajut kitullu naglighaaqhimajut, ihumaptingniitut, aulahimaaqtumik havakluta qajangnaitkutighamik, quviaanaqtumik inuuhiringnaqtumik nunaqjuaq.”



**- Amber Aglukark,
QNSWC Angijuqaanga**

End violence
Against 
WOMEN



 I KNOW, 
I KNOW, I'M
STANDING UP FOR
MYSELF.
I'M SUCH A
BITCH!



16 Ublut Itqaumadjutit, Hikutirvia. 25 – Ubluirvia. 10

Tamaat ukiuq, Qullit qaitqujait Nunavummiut uqautigilugit ihumagijatik qanuqtut taimaaqtilugu qanuriniitigut-pihimajut ningautit inugiangnirni tuhaqtidjutini hamanga Hikutirvia 25 hamanga Ubluirvia 10. Ilituqhaidjutillu qanuqtut ilitarilugit ililugillu qanuriniinun-pihimajut ningautit uqautigijaujut qaritaujakkut, atadjutinunlu ikajuutinun aalakiinun pitquidjutinun hulipkainirmun. Nunavummiut

Ihumatujut ukualu Quviagijaujut Arnat Inulramiit Arnanun Aituutit

Ihumatujut ukualu Quviagijaujut Arnat Inulramiit Arnanun Aituutit tunijaujut ukiutigut nan'ngaruuhtit arnanun kitut tautuktijut akiitumik ikajuqtit uqaudjjinirmunlu havaktatik, ikajuutaillu, ilihaqtitivlutik hivuliqhuqhutik aalanun nunallaaptingni. Hapkua aituutit tunijaujut uvani Qiqailruq 2, 2023 quviahuutini Maligaliurvingmi Nunavunmi.

Una 2022mi Ihumatujuq Arnaq tunijaujuq ministaujuugaluamin unalu Qullit Angijuaqanga Elisapee Sheutiapik Iqalungmiutaq, unalu 2022mi Quviagijaujuq Inulramiq Arnaq aituut tunijaujuq Iqalungmi pinguaqti Anna Lambe. Ukiuq tamaat, aituutinik akimajut tunijaujut ilitaridjutinik unalu Ihumatujuq Arnaq tunijaubluni qullirmik. Katimajiit quviahuutitik tunijaujunun niruaqtaujununlu, quana tamainun Nunavunmiunun inmi havaktamingnun pijaangani aviktuqhimajuq aadjikiingnirmun, ihuaqnirmun qajangnairutinun najugahanun arnanun, arnarutinun ukualu qanuriniit-aalangajut inuit.

aghuuqhajaujut iqimilugu aghuurutigilugu inuuniq ningaqtuqanginirmik, havaqatigiiklutik atautimun taimaariangani. Hapkua titiraqhimajut takunaqtut uvani Qullit's inungnun tuhaqtidjutinun makpirniini.





Arnat Inirnighat Tiituqatigiiktut

Hiavuani haffuma Nunaqjuami Arnat Ublua, Minista Nakashuk tiituqtitijut uvani Iqalungni Inirnighat Qammaq hapkununga nunamingni arnat Inirnighat, uvani Qiqailruq 5, 2023. Ubluummat ulapqipkaijut, niriblutik, unipkaaqhutik, taktaghaqaqhutik iglamalukaaqhutik quviahuutigiblugu Iqalungni ilihimattiaqtut pittiaqtaujuat arnat.

Avatqumajut 20 Inirnighat upautijut, uqautigiblugini inmi unipkaatik itqaumajatiklu inmi atuqhimajatik arnaunirmun atuqtilugu aalanguqtirutaa Nunavut. Nakuuqpiaqtuq pidjutaulirniaqtut ukiuq tamaat hivumut.



Nunaqjuami Arnat Ublua, Qiqailruq 8

Quviahuutigijaangat Nunaqjuami Arnat Ublua uvani Qiqailruq 8, 2023mi, Qullit katimapkaivakhimajut Nunallaani Arnat Ubluani Niuvaavikkut unalu Inuuhiqattiamirmun hulidjutit hamani Iqalungni Tukisigiarvik Katimaviani. QNSWC havaqatigivaktait Agvik YWCA Nunavut, ukuallu Nunavut Kavamanga Inulirijitkut Havagvia ilitturijaami una pinahuarut.

Hulidjutit atautimuktijut arnarnik niuvaajunik hulilukaaqtullu niuvaajuni, kavamatkut aalallu timiujut tajjauhimajunik kivgaqtuutunik ikajuriangini arnat, arnarutit ukualu qanuriniit-aalangajut inuit, ukualu inuuhiqattiamirmun tunihijut inuuhiqattiarutighanik piniqharnirmik kivgaqtuutunik arnanun upautijunun.

Nakuuqpiaqtumik-upautijut hulidjutinun, Qullit angiklijuumiqlugu anginia aktilaangalu Niuvaanirmun uvani 2024mi.



Kanadami Ublua Ilituqhainirmun Tamaqhimajut Inuaqtaujut Nunaqaaqatut Arnat ARnarutillu (MMIWG) ilihimajaujuq imaa Aupajaaqtumik Qitaujaqahutik Ublua, Qiqajaluarvia 5

Haffumunga Aupajaaqtumik Qitaujaqahutik Ublua, Qullit katimapkaijut nunallaami katilutik uvalu pihuklutik ilituqhainirmun quviangangitumun hulaqutinun hapkununga Inuaqtauhimajut Tamaqhimajut Inuit Arnat Nunavunmi avatiini nunaquap. Aularutiblutik hilataani Qullit havagvia, nuititugu naunaitkut nautiallu nan'ngaruhungnirmun hapkua MMIWG, pihukhutiklu avatqumajut 50 piuktut.

Taitai, Agvik YWCA Nunavut ukualu Pauktuutit havaqatigiliqtait ukua Qullit haffumunga hulidjunmun, tautuktitaangani atahiuunirmun hakugingnirmik nunallaamun.

Nunavut amigainirhaujuq amigaitilaangit qanuriniinun-pihimajut ningaqtanirit uniudjtaujut arnanin nunaqujami.

Arnat Nunavunmi ajuqhaqtitaujut ningarnikkut ihuinaarutunik, ilaujut nuliqinirmun ihuinaarutit, amigaitilaanga 12min 13mun amigaitilaangait aalanin arnanin Kanadami.



Ilihimajugut hamanga Kanadami Ihivriurutin Inuaqtaujut Nunaqaaqatut Arnat Arnarutillu tapkua aulahimaaqtumik hulaqutit atautimungnirmun, ilinganirmik, ihumamun aanniaqtailinirmun aangajaarnaqtunik atungnirmun ajuqhautinik pidjutiqaaqtut ningarnirmun iglumingni, piqatigiingnirmun, havagvikjuanilu. Qanuriniitigut-pihimajut ningaqtaujut Nunavunmi kangiqhinangitut, nutqaqtulugiluuniin, uqautigihimaitumik una inugianginir pihimajuq. Qullit aghuqtut havaklutik unaguhungitumik ihuaqhinahuaqhugu una ajuqhaut havaklugit aghuungnaqtut aalanguqtirutit.

Havaqatigiiklutik ukualu aalat hulidjutit

Katimajiit havaqatigijait amigaitut katimajiit tamaini kituni pitqujaujuni, qiniqhialutik havaqatighanik havaaghanun, hlijutinun pinahuarutinunlu.

Uvani 2022-23, QNSWC aulahimaaqtumik turaangajur havaqatigiingnirmun nunallaat ihaangnirmun taimaaqtinahuarnirmun qaniriniitigu-pihimajut, piqatigiingnirmun ilallallu ningarnirmin. Una pidjutigijaujuq hakugitqiajut havaqatigiingnirmun Kavamatkut Nunavunmi, Pauktuutit Inuit Arnat Kanadami, Agvik YWCA Katimajiit ukualu Nunavunmi Maligaliqinirmun Katimajiit. Inmi havaqatigiitutait ikajuutailu qujagijaujut aghullu aghuungnaqtut.

Uvani ukiumi, Qullit pidjutigiblugit ihuaqhijuumirnirmun tuhaqtidjutit ihaarnirillu Nunavunmiununt. Una ilaujuq ilaupkainiq pijaarnirmunlu inungnun tuhaqtidjutit tamaini Nunavunmi ilitarijaujut uquahiit. Malikhautihimajut aulahimaaqtumik angiklivalliajut ilaublutiklu havaaghanun. Uqaqatigiblugillu Nunavunmiut nunallaani upautijunun katimadjutit, humi pijavut atuliqhugillu iharianaqtut uqautigijaujut.



Niriungniq hivumut



Ukua Qullit Nunavut Arnanut Katimajit hivumuuqtilugit, ilaujut ihumaliuqtut ihuaqhaffaaqlugit hivuliujughat havaklugillu aghuunaqtut havaktaujut avatqumajumi 20 ukiut. Taimaali katimajit aulahimaaqtumik uqautigilugit pidjutigilugillu aalanguqtirutit, ilaujut piumajut ukua timiujut tunihijut ikajuutinik tapkununga kitunun ihariahukluaqtunun.

QNSWC ilitarijait ihariagijaujut pitquhirmik, uqauhirmik ilitquhirmik ilaulugit tamaini ihumagijaujut havaaghat. Ataniq pitquhip idjuhianun aghuungnaqtuq qajangnaitkutunun, angiklivallianirmun nakuunighainunlu arnat Nunavunmi.

Tautukhugit atugahat ikajuutinun, ilauqatigiingnirmun, pitquhirmun, ilituqhaidjutinun iliharnirmun, Qullit turaanganiaqtut hakugingnirmun qaijumi ukiumi, ilihimablugit tapkua arnat, arnarutit qanuriniit-aalangajut Nunavunmiut kitut hakugingniqaqtut hakugingnirmik hakugiktullu.



Maniliqinikkut Titiqqat

**QULLIIT NUNAVUT
ARNAIT QANURILINGANINGINNUT KATIMAJIIT
MANILIQINIKKUT TITIQQAT
QIQAILRUQ 31, 2023**

**QULLIIT NUNAVUNMI ARNAIT QANURILINGANINGINNUT KATIMAJIIT
TITIQQAT ILUANIITTUN
QIQAILRUQ 31, 2023**

	<u>Makpirnia</u>
Atanngujat Munarijait Maniliqinirmun Uniudjutit	1
Ilikkuuqtut Ihivriuqtip Unniudjutaa	2 - 4
Maniliqinikkut Titiqqat	
Titiraqhimajun Maniliqinikkut Qanuriniit	5
Naunaitkutait Auladjutininut Katitiqhimajullu Avatqudjutit	6
Naunaitkutit Aallanguqtirnirmun Maniliqinikkut Piqutit	7
Titiraqhimajun Maniinnait Auladjutainni	8
Titiraqhimajun Maniliqinikkut Naunaitkutanun	9 - 10

ATANNGUJAT MUNARIJAIT MANILIQINIRMUN UNIUDJUTIT

Aulapkainiaq uumani Qullit Nunavunmi Arnait Qanurilinganinginnut Katimajjit munarijuq itquumaningani ihumaliurihimaittumiklu ukunani maniliqinikkut titiqqani pidjutitqaqtunilu titiraqhimajuni ilitturipkaidjutit. Maniliqinikkut titiqqat upalungaijaqhimajut malikhugit Kanadaup Kavamatkunni Havagviinni Maniliqinikkut Atuinnaqtainni imaalu, taimaatun, ilaujun ilangit akitutlaangit tunnganiqaqtuq ukunani nakuutqijaujuni nalautinniarhimadjutainni uvanilu ihumaliurutaani aulapkaidjutimi.

Taamna atuqtiniaqhugu havaarijaujukhat, munarijaujukhat havarijaat auladjutikhaagut kiinaujaliqidjutit iluanillu munarijaujunut atabluni nakuutqijaujunik ilitturipkaidjutit kiinaujaliqiniq kangiqhidjutit tuhaqtitaudjutingit munaqtiujut Qullit Nunavunmi Arnait Qanurilinganinginnut Katimajjit nakutqijaujukhaq, piquitiit munarijaujut, himmiqtuutiujut ihuaqtumik naunaiqtaujut, pijakhat munarittiaqtaujut akittujuaqhimaittumik imaalu auladjuhikhait ihuaqtumik aulaliqtut pinahuaqhugu havaakhaujut pijakhait unalu maniliqidjutit maliktait *Maniliqinirmun Auladjutikhanut Maligaq* Nunavunmi.

Hapkuat ilikkuuktukkut maniliqinirmun ihivriuqtiit, Lester Landau Iltarijauhijaujuq Ajuittuq Maningnik Amirijit, ihivriuqhimajut naunaijaiplutik, malikhugin Kanadaup ihivriurnikkut aturutainnik, uqaqhugillu ihumagijatik maniliqinirmun kangiqhaidjutit titiraqhimajut. Hapkuat ilikkuuktukkut maniliqinirmun ihivriuqtiit tamainik ihivriurhittaaktut maniliqidjutaini munaqhidjutainni Qullit Nunavunmi Arnait Qanurilinganinginnut Katimajjit katimaplutiklu pitqujauqaangamik.



Amber Aglukark
Atanngujaq



Cate Macleod
Angajuqqaq

Hikutirvia 22, 2023

Ilaulut ihivriurutiinun hpakua maniliqinikkut naunaitkutit, taiguaqtaqkhavut aalat kangiqhidjutit naunaijaqhimajut qulaani, taimaatut, ihumaliurutigilugit aalat kangiqhidjutit taiguat ihuaqqata maniliqinikkut naunaitkutinin uvaluuniin ilihimajaqut iluaniitut ihivriurutini, uvaluuniin ihuinaarahuangitumik uqaqhimajut. Pihimakpata, havaktaptingnun haffumunga aalanun kangiqhidjutinin, naunaiqtavut hunat ihuinaarahuangitumik uqaqhimajut haffumunga aalanun kangiqhidjutinin, piJariaqaqtugut uniudjutigilugit pidjutauJut uvani ihivriuqtip uniudjutaani. Piqangitugut uniudjutikhanik haffuma mikhaanun.

Munaqtaghait AtannguJait taapkualu AkiligahaqqaqtitaJut Ataniqtuqtuiniqmik Maniliqinikkut Naunaitkutini

AtannguJait munaqhijut haffumunga upalungaijautinin uvalu nakuutqiatigut tuhaqtitiniqmik hapkuninga maningnut naunaitkutit malihugit hapkua Kanadami inungnun havakviat maniliqinikkut taimaali atanngujat ihumaliuqtait pijaaqqata pijaaqlugit upalungaijautit maniliqinikkut naunaitkutit tahapkua piqangitugut hapkunanga tamajatigut ihuinaarutit, pidjutiqaqtut ihuinaarutinun uvaluuniin ihuittumik titiraqhimatut.

UpalungaiJarniranun maniliqinikkut naunaitkutit, atanguJaq munaqhiJukhaq ihivriuqlugit Iiharviup piJaarnirit aulahimaqutit ihumaalungnikkut, uqautigilugit, piJariaqaqata, pidjutauJut ilauJut aulahimaJut ihumaalungnikkut uvalu atuqhugit ihumaalungnikku pihimaJumik manilqidjutit kihimi atanguJap niuvaadjutigilugit Iiharvik uvaluuniin nutqaqtilugit auladjutait uvaluuniin piqangitkumik ahiaguurutikhamik kihimi pigumik.

Tapkua akiliqtitaJut ataniudjutikkut munaqhiJukhat ihivriuqlugit Iiharviup maniliqinikkut uniudjutinin havauhiit.

Ihivriuhijim Havaktaghait hapkua ihivriuqlugit Maniliqinikkut Naunaitkutit

Pinahuarutivut pihimalugit ihuarnikkut maniliqinikkut naunaitkutit tamaita piqangitugut hunat ihuinaarahuangitumik uqaqhimajut, ihuinaarnikkut uvaluuniin ihuittuninluunniit, tunilugilluunniit ihivriuqtip uniudjutait tapkua ilauqaqtun ihumagijaptiknik. Ihumaalungnairutaujuq, kihimi qutangnaitjutaunngittuq taimaa ihivriuhijut malighugit Kanadami havauhilluangit ihivriuhiniqmut paqittivangniat ihuinaaqhimajunik titiqqanik ittuqaqhuni. Ihuinaarahuangitumik uqaqhimajut pidjutiqaqniaqtut ihuinaarutinun uvaluuniin ihuinaarutikkut uvalu ihumagiJauJut hunat, attautinin uvaluuniin tamainun, niriugutauniaqtut pidjutaalutik manilungnikkut ihumaliurutinun atuqtunun pihimadjutait hapkununga manililiqinikkut naunaitkutinin

Ilaupluni ihivriuhijunut malighugit Kaniitian havauhilluangit ihivriuhiniqmut, ajuittutut ihumaliurahuqaqpagtugu aulapkainahuqaqpaghatalu niriugittiaqhimaittumiklu ihivriuhitillugit. Taimaalu pivaktugut:

- Naunaijaqlugit uvalu ihivriuqlugit tamajat ihuinaaqhimajut maniliqinikkut naunaitkutit, ihuinaarnikkut uvaluuniin ihuinaaqhimajut ihuinaarahuangitumik, idjuhikhait havaklugit ihivriuqlugit kiudjutiqaqumik tahapkununga qajangnautinin, uvalu pihimalugit ihivriungnikkut naunaitkutanik tapkua ihuaqtut tunijaami pihimajut ihumagijaptikni. Qajannarutaa ilitturihimainnirmin hunani ihuittumik-uqaut pijuuq ihuinaarutimin angitqijaq taaffumanga pidjutaanin ulamnirhimajumin, taimaaton ihuinnarniq ilaqaqtaarman ihuinaqatigiigutinin, ihuinaarhuni-aajjiliuqtuq, pihurhaarhuni iliurangittuq, iqudjutiginiq, atanniqtuipluniluunniit iluani amiridjutinik aallanguqtirijuuq.

- Pilugit kangiqhimadjutit iluani munaridjutit ihuaqtut ihivriurutini havagiangini ihivriungnikkut havauhiit tapkua ihuaqtut qanuriniitigut, kihimi pidjutaungitut uqautigilugit ihumagijaujut ihuangnghainun hapkua Katimajiit iluani munarijatik.
- QauJihaivakhugit ihuaqniita maniliqinirmut maligakhaliuqhimaJut atuqtauJut naamaniillu maniliqinirmut nalauttaaqhimaJut ilittuqhitiillu atanngujanitait.
- Iniqtirlugit ihuangniitigut atan'ngujap atungnirit ihumaaluutikkut pihimajut manilqutit uvalu, pihimajut ihivriungnikkut naunaijaqhimaJut, hunat nalujaujut atuqtauJut ilaujut hulidjutit qanuriniit tajkua anginirharmik ihumaaluutauniaqtut katimajiit pijaangnirit aulahimaaqlutik aulajut ihumaaluutikkut. Ihumagigupta hunavaluk nalunarninnga ittuq, naunaiykaqtukhaujugut uumani maniliqinirmut ihivriuqtiptingnun unniudjutaanun pidjutiqaqtunun uqaqatauhimajuni uvani maniliqinirmut titiqqainni taimaaluunniin, taimaittun uqautit naammangitpata, ihuarhaqtavun ihumagidjutivun. Iniktiqriturivun pidjuteuhimajut manilnirmut ihivriurnirmi naunaittun pihimajun talvunga ublunganun uumani maniliqinirmun ihivriuqtiup unniudjutaani. Kihimi, hivun'ngani hulidjutit qanuriniilu pidjutiginiqaataat Katimajiit nutqaqtilugit aulahimaaliqlutik aulajumik ihumaaluutikkut..
- Ihivriuqlugit tamaita takupkaidjutighat, havauhiit iluaniitullu maniliqinikkut naunaitkutit, ilaujut uqautiginirit, maniliqinikkut naunaitkutit pidjutiqaqtut auladjutainun nuutirutit hulidjutillu ihuangnikkut tautuktinirit.

Uqaqatigivaktavun taapkuat munarijaujukhat atanniqtuidjutikkut mighaagun, ilaun aallanilu ihumagijaujuni, una upalungaijarhimajuq qanuriliurutikhaq ublukhaillu ihivriurhinirmi ukuallu angijun ihivriurhinirmin ilitturijauhijumun, ilaujullu qujaginnaq angijun angummadjutiqangittun uvani iluani amirinirmi naunaiqtihimajavun ihivriurutiptikni.

Piviqhaqaqtitpaktavutlu titiqqamik tahapkunanut munarijaqaqtut kavamaliqidjutinut maniliqinirmun titiqqainnik iniqhimaJaptingnik ihuaqtunik piviqhaitigunlu ihumagiplugu ilikkuungnik, tuhaqtipkainikkutlu tamainnut ilaudjutilgit aadlaniklu ihumagiJauJut ihumagiJaqhapingnik ilikkuungnitigut, humilu piviqhaqaqqat, pidjutilgit amirnaiJautaitikkut.

Uniudjutit Aallani Maligakkut Maliktakhakkullu Pitqujauhijumuni

Pitqujauhijumut uumanga *Maniliqinirmut Auladjutikhainut Maligaq* Nunavunmi unnirtugut taimaa, ihumagijaptingnut, Kanatamiutanut Kavamatkuni Havagviinnut Maniliqinikkut Atuqtakhainut atuqtauJut pijakhanut kingulliani ukiungani.

TuhaqhitJutigivaliqtavut malikhugit tapkuat *Maniliqinirmut Auladjutikhainut Maligaq* Nunavunmi piJut, ihumagiJaptingni, naamaktut makpigat manilqutit pihimaJauJuttapkunanga KatimaJinit, tapkuat kiinauJaliquitit tuhagakhaliat angiqatigiktut tapkunani tapkuatlu atuqtauJut naunaiqtavut pihimaJut, tamainnut angipJaktunut piplugit, piJauhimaJut maligaqatigut hakugingnigut tapkuat KatimaJit.

Iqaluit, Nunavut
Hikutirvia 22, 2023



Ilitarijauhijumuq Ajuittuq Maningnik Amirijiit
Lester Landau Accounting Professional Corp.

**QULLIT NUNAVUNMI ARNAIT QANURILINGANINGINNUT KATIMAJIIT
TITIRAUTAIT MANIKKUT QANURININGANIK
TALVANGA QIQAIJALIRVIA 31, 2023**


	<u>2023</u>	<u>2022</u>
Maniliqidjutinut Piqutit		
Maniinnait aadjikkutaitlu maniinnarnut	\$ 214,593	\$ 151,328
GSTakiliqtauJukhanut	<u>12,616</u>	<u>8,109</u>
	<u>227,209</u>	<u>159,437</u>
Maniliqinirmut Akiliktakhat		
Akilirialiit unalu angiklijuumiqhimajut akiliriaqaqtut	148,536	39,326
Kavamatkunnin akiliqtuidjutikkut akilirialiit	6,268	38,417
Aittuutikhat akiliktauffaaqtukhat	<u>68,919</u>	<u>68,919</u>
	<u>223,723</u>	<u>146,662</u>
Atauttimut Maniliqidjutikhanun Piqutit	<u>3,486</u>	<u>12,775</u>
Maniliqutaungitut piqutit		
Akiliriiqhimajut akiliqtukhat	<u>6,339</u>	<u>2,000</u>
Katitiqhimajut ilakuit	<u>\$ 9,825</u>	<u>\$ 14,775</u>

Havaktauniaqtun (Naunaitkuti 5)

Angiqtauhimajut pidjutigiplugin tapkuat Katimajii:



Amber Aglukark
Atanngujaq



Katie May Dunford-Anawak
Katimajiujuq

**QULLIT NUNAVUNMI ARNAIT QANURILINGANNINUT KATIMAJIIT
NAUNAITKUTAIT AULADJUTINUT KATITIQHIMAJULLU AVATQUDJUTIT
UKIUNGANI NUNGUNIANI QIQAIJALIRVIA 31, 2023**

	Maniit		
	Atuqtukhat	Atulluaqtut	Atulluaqtut
	<u>2023</u>	<u>2023</u>	<u>2022</u>
	(Ihivriuqhiq tauhimangi ttun)		
Maniliurutikhat			
Nunavut Kavamanga - Inulirijitkut			
Maniliqtuilluarutikhat	\$ 370,000	\$ 370,000	\$ 370,000
Aittuutikhat akiliktauffaaqtukhat	-	-	(43,698)
	<u>370,000</u>	<u>370,000</u>	<u>326,302</u>
Akiliqtaujut			
Akiliqtaujuittun atugat	-	-	10,292
Katimajiinnut akiliutikhat	10,600	24,175	7,438
Nalliutikhat	-	1,921	2,119
Avatqudjutit maniqarviuplu akiliqtitait	420	2,988	3,393
Aallat	1,200	-	-
Havagvingmi auladjutikhanullu	3,720	15,403	15,466
Havagvingmi tamajat	-	29,318	4,937
Ajuittunun akiliuhiarutait	17,350	23,538	22,210
Pinahuarutit atuqtakhat tamajallu	9,000	7,970	4,892
Iglumik Atuqtaminik Akikhaa	27,840	28,075	27,183
Manikhauhit maniktakhatlu	233,570	180,144	216,599
Tuhaqtidjutit	11,400	8,430	10,981
Numiktiridjutikhanut atutakhanullu akiliutikhat	2,400	15,778	-
Tingmidjutit	<u>52,500</u>	<u>37,210</u>	<u>792</u>
	<u>370,000</u>	<u>374,950</u>	<u>326,302</u>
Ilakunga (Piqalluangittuq) Maniliurutiit ukualu AkiliqtugauJut			
	-	(4,950)	-
Katitiqhimajut Avatqutjutit, angmarutit	<u>14,775</u>	<u>14,775</u>	<u>14,775</u>
Katitiqhimajut Avatqutjutit, umigutit	<u>\$ 14,775</u>	<u>\$ 9,825</u>	<u>\$ 14,775</u>

**QULLIIT NUNAVUNMI ARNAIT QANURILINGANINGINNUT KATIMAJIIT
NAUNAITKUTIT AALLANGUQTIRNIRNIK AVALIIQTAUHIMAJUNI MANILIQINIKKUT
PIQUTINGIT**

UKIUNGANI NUNGUNIANI QIQAIJALIRVIA 31, 2023

	Maniit		
	Atuqtukhat 2023	Atulluaqtut 2023	Atulluaqtut 2022
	(Ihivriuqhiq tauhimangi ttun)		
Ilakunga (Piqalluangittuq) Maniliurutiit ukualu AkiliqtugauJut	\$ (4,950)	\$ (4,950)	\$ -
Mikhilaarutait (angiklilaarutait) akiliriiqhimajunut akiliqtakhanun	<u>-</u>	<u>(4,339)</u>	<u>3,317</u>
Angiklilaarutait (Mikhilaarutait) Avaliiqtauhimajuni Maniliqinikkut Piqutit	(4,950)	(9,289)	3,317
Avaliiqhimajut Maniliqinikkut Piqutit, angmarutit	<u>12,775</u>	<u>12,775</u>	<u>9,458</u>
AvaliiqhimaJut Maniliqinikkut Piqutit, umigutit	<u>\$ 7,825</u>	<u>\$ 3,486</u>	<u>\$ 12,775</u>

**QULLIIT NUNAVUNMI ARNAIT QANURILINGANINGINNUT KATIMAJIIT
NAUNAITKUTAIT MANIINNAIT AULADJUTAIT**

UKIUNGANI NUNGUNIANI QIQAIJALIRVIA 31, 2023

	<u>2023</u>	<u>2022</u>
Aulapkaidjutit Hulidjutait		
Ilakunga (Piqalluangittuq) Maniliurutiit ukualu AkiliqtugauJut	\$ (4,950)	\$ -
Kiinaujaq tunijaujut ukunangga (atuqtaujuq uumunnga) aallangurniq maniungittuni havagutikkut maniutini:		
GSTakiliqtauJukhanut	(4,507)	8,969
Akiliriiqhimajut akiliqtukhat	(4,339)	3,317
Akilirialiit unalu angiklijuumiqhimajut akiliriaqaqtut	109,210	14,167
Aittuutikhat akiliktauffaaqtukhat	-	(42,672)
Kavamatkunnin akiliqtuidjutikkut akilirialiit	<u>(32,149)</u>	<u>31,050</u>
Angiklijuummiqhimajut maniit maniniklu Aadjikutainni	63,265	14,831
Maniit maniniklu madjikutainni, angmaqtirutait	<u>151,328</u>	<u>136,497</u>
Maniit maniniklu madjikutainni, umigutit	<u>\$ 214,593</u>	<u>\$ 151,328</u>

**QULLIIT NUNAVUNMI ARNAIT QANURILINGANINGINNUT KATIMAJIIT
TITIRAQHIMAJUN MANILIQINIKKUT TITIQQAINNUN
UKIUNGANI NUNGUNIANI QIQAJALIRVIA 31, 2023**

1. QANURINIA KATIMAJIIT

Qulliit Nunavut Qanugitni Aqnait KatimaJit pinguqtauhimajut ataani tapkuat *Qulliit Nunavut Qanugitni Aqnait KatimaJit Maligait* Nunavunmi talvani QitiqqautiJuuq 1, 1999, ihuaqhighiaqtat MatJi 22, 2005, pigiaqhutiklu auladjutit uvani QitiqqautiJuuq 1, 2001 tamnauplutik *Atugakhaliat A Inungnut Havaktit* naunaiqtauplutik tapkunanga *Maniliqinikut Titiqqinikkut Maligaa*. Tapkuat Katimajit pijalgit maligiangi tapkununga Kavamatkut Nunavut *Kiinaujaliqutit Auladjutit Maligaa* tapkuatlu *Kiinaujaliqutit Auladjutit Makpiraat*. Pidjutighaa hapkua KatimaJiit hivumuuqtilugu tiknahuarutit aadjikiiktumik ilauqatigiingnikkut arnat inugiangnirni aghuurutigilugulu aalanguqtirniq inungni, maligaliqinikkut maniliurnikullu havauhiit nungunianun.

2. ANGIJUT KITTIRINIRMUN ATUGAQHAT

Tamna kiinaujaliqinirmut maligangit maliktait Katimajiinut malikhugu uumunnga Kanadami kavamaliqinirmut maniliqinirmut naunaitkutangit ilaliutijuqulu uuktuutinga Kavamatkunni Havakvingit Maliktakhangit Titiraqhimaningani PS 4200 - PS 4270 piinnarialik Kavamatkunnut Maniliungittuni Timiqutunun. Hapkuat naittut ukunani angijuni maniliqinikkut atuqtakhani:

(a) Atuqni Mikhauuttaqnit

Upalungajjainiq maniliqinikkut naunaitkutait malikhugit ukua Kanatami kavamatkut maniliqinikkut atugahat pijariaqatait atan'ngujap itqungniarlugit ihumagijaillu tapkua hulaqutait uniudjutit qaffitaalauniit piqutit akiligahallu, uqautiginirit piqutit akiligahallu ubluanin maniliqinikkut naunaitkutini ukualu uniudjutaujut qaffitaalauniit maniliurutit akiliqtuqtaujuullu atuqtilugu tamna ukiuq. Angijut tamajat pidjutiqaqtut itqungniarnirmun ihumaliurutinunlu ilaujut akiit atukkat akiligahat. Qanuriliurutiluugait aallanguqtaaqut tahapkuninnga itqurnarutaujunit.

(b) Maniliqitjutit

Tapkuat Katimajit hivulliqmik uuktugaqta kiinaujaliqutiktik piqutit tapkuatlu kiinaujaliqutiktik atugait naamaktumik akitunikhainik. Tutquumavik tadjattauq naunajaaqpaqtait maniliqinikkut piqutingit maniliqinikkullu akiliqtaghatik uvuuna akiliqtuqattaraanginnarlugu akinga, hapkuangungittut kihimi aallat maniliqinikkut hunaujut ukuallu maniliqinikkut akiliqtuujutiffaarutighat uqaqtauhimajut piujumi maniliqidjutini, taapkuat naunajaaqtauvaqtut ihuaqtukkut akitutilaatigut.

Maniliqinikkut piqutit aktilaaqtaujut akiliqhimajutigut akiitigut akiit ilaujut maniinait maniilu aadjikutait atukallu akiligahat. Maniliqinikkut akiligahat aktilaaqtauJut akiliriqhimaJut akiit ilauJut atukkat akiligahat uvalu angikliJuumiqhimaJut akiligahat, kavamatkut tujuutikkut akiligahat uvalu ikaJuutit akiligahat.

AtanguJap uqautigijait tapkua aktimaJiit akturutiqangitut angijumik ihumagijainik, mangit atukkatigut qaJangnautit pidjutauJut jhapkunanga maniliqinikkut halnarutini kihimi ilituripkaqtauqpat.

(c) Kiinautaqtat Ilittugini

Tapkuat hanivaqhimajut pidjuhit kiinaujaqtat ilittugini maliktaujut. Maligaqaqtut ikaJuutit ilitariJauJut maniliurutit ukiumi kitut ilauJut akiligahat atuqtauJut. Kikliqangitut ikaJuutit ilitariJauJut ukiungani tuniJauJut akiliqtauJut qaffitaalauniit tuniJauJughat itqungniaqtauJaaqtut tuniJaunirillu tutqighutik..

**QULLIIT NUNAVUNMI ARNAIT QANURILINGANINGINNUT KATIMAJIIT
TITIRAQHIMAJUN MANILIQINIKKUT TITIQQAINNUN
UKIUNGANI NUNGUNIANI QIQAJALIRVIA 31, 2023**

2. ANGIJUT MANILIQINIKKUT ATUGAKHAT (aulahimmaaqtuq)

(d) Maningnik Maniinniklu Aajikutainnik

Maniinnait maniillu aajikkutait pilgit maniqarvingni tutquumaviani tamainni atuqhimaittunik manikhanik ukuallu naittumik hivituni maninguhainnaqtaqtuni maniliurutini ajurnaittun maninguqtittaami. Naittumik hivitunik maniliurutit titiraqtauhimajun akitqijaujumi akingani uvanilluunnit niuvvaaniup akitutulaangani.

(e) Takunnaqtun Akitujun Piqutit

Takunnaqtun akitujun piqutit akiliqtaujun titirarmi auladjutimi talvani ukiumi pidjutaani.

(f) Tunidjutit Hunat Kivgaqtutitlu

Akiitumik ikaJuqtut amigaitunik qaffiuniit ikaarniit hapkununga KatimaJiinun havaghugit kivgaqtungnikkut tunihiblutik hulijdutunik. Pidjutigiblugin aJungnaqtut ihumaliuriangini inmi ihuangnikkut akiit, ikaJuutait tamaJanun kivgaqtuutinunlu ilitariJaungit maniliqinikkut naunaitkutini.

3. TAKUNNAQTUN AKITUJUN PIQUTIT

Ilaun havagviup tamajainni una \$15,291 (2022 - \$4,823) qaritaujalinikkut tamajat pihimajun ukiungani.

4. MANILIURNIRMUN PIDJUTIGHAIT

Katimajit tunijuajut amigaitunik maniliqtuijunik Kavamatkunin Nunavunmin. IkaJuqtaungitkumik aulahimaaqtumik ikaJuutunik Kavamatkut, katimaJit aulalimaitut auladjutit.

5. AKHUURUTIT

Tapkuat KatimaJit piJalgit atuqtuaqninut aapisi inikhaq tamna \$2,540 tamnaluk taxsiJautit atauhiq tatqiqhiut tikitlugu QiqaiJalirvia 31, 2028.

Katimajit pidjutit nutaanguqtirutaanik aturutaami uvani pingahunik uiguliriiktunik hivitunirnik ukunani tallimanik ukiunik ataurhimi hivitunirmi pipluni hivulliqpaaq qanuriliurutikhaq atuliqtumik April 1, 2023. Ukiuq tamaat aturutaani akiliqtuidjutit pilik naunaijarutimun tamainni nutaanguqtirutini hivitunirni. Aturutaani akiliqtuidjuti nutaanguqtirutini hivitunirni piniaqtuq tadja akiliqtuinikkut aturutini akitutulaangani talvani aajikkiingniqaqtuni inikhami talvani ublungani nutaanguqtirutimi.

Qullit Nunavut Arnait Qanurilinganinginnut Katimajit



987B Iglulik Dr.
Iqaluit NU X0A 0H0



867-979-6690



projects@qnswh.ca



www.qnswh.ca



www.facebook.com/
Qullit



@Qullit



@QNSWC